

UGOVORNE STRANE

1. Kupac: JU Centar za slušnu i govornu rehabilitaciju Sarajevo ul. Asima Ferhatovića br.2, identifikacioni broj: 4200136300001, upisan u sudski registar 1997. godine, broj Rješenja: UF/I 2964/97 kod Kantonalnog suda u Sarajevu, Depozitni račun Kantona Sarajevo broj: 338 000 221 001 9263 kod UniCredit Bank, budžetska organizacija: 21020018, poreski broj: 01076898, koga zastupa doc.dr.sc. Naim Salkić, direktor Centra (u daljem tekstu: Kupac) i

2. Prodavac: INTERSPORT BH d.o.o. Sarajevo, Ložionička 16. Sarajevo, identifikacioni broj: 42021564000005, PDV broj: 202/56400005 Rješenje broj: 065-OREG 15-0068 Općinski sud Sarajevo, transakcijski račun broj: 161000-0149200076 kod Raiffeisenbanke, koga zastupa direktor AIDA AVDUKIC (u daljem tekstu: Prodavac).

Na osnovu člana 90. Zakona o javnim nabavkama Bosne i Hercegovine («Službeni glasnik BiH» br. 39/14), te odredaba Pravilnika o postupku direktnog sporazuma («Službeni glasnik BiH» br. 90/14), a u skladu sa članom 187. Pravila JU Centra za slušnu i govornu rehabilitaciju Sarajevo, gore navedena pravna lica dana 29.12.2017. godine zaključuju:

UGOVOR

o kupoprodaji sportske opreme

Član 1.

Ovim ugovorom ugovorne strane utvrđuju prava i obaveze vezane za nabavku sportske opreme za potrebe JU Centar za slušnu i govornu rehabilitaciju Sarajevo, a po provedenom postupku direktnog sporazuma.

Prodavac se obavezuje izvršiti isporuku robe iz stava 1. ovog člana, a Kupac se obavezuje platiti isporučenu sportsku opremu po cijeni i uslovima iz Ponude, broj: 2017/140 od 25.12.2017. godine, protokolirana kod Kupca pod brojem: 01-1443-1/17 od 26.12.2017. godine, koja je sastavni dio ovog ugovora.

Član 2.

Ukupna ugovorna vrijednost predmetne nabavke iz člana 1. ovog ugovora, sa PDV-om i popustom iznosi 6.988,45 KM /slovima: šestiljadadevetstinaosamdesetosam konvertibilnih maraka i 45/kf/.

Član 3.

Kupac se obavezuje da će izabranom Prodavcu po ispostavljanju računa za isporuku robe iz člana 1. ovog ugovora izvršiti uplatu u roku od 30 dana, po prijemu fakture za isporuku, putem Ministarstva finansija Kantona Sarajevo, ako prilikom primopredaje Kupac nema primjedbi na istu.

Prodavac je saglasan da Kupcu neće zaračunati zateznu kamatu za zakašnjenje pri plaćanju preko „Trezora“ ako je Kupac u ugovorenom roku predao nalog za plaćanje, a Prodavac primio uplatu s odgodom od jednog ili više dana od ugovorenog roka iz stava 1. ovog člana.

Član 4.

Ugovorne strane konstatuju da će se predmetna isporuka robe izvrši jednokratno, u roku od 10 dana od dana potpisivanja Ugovora.

Član 5.

Garantni rok za isporučenu robu je 36 mjeseci.

Član 6.

Prodavac se obavezuje da će ugovorene obaveze izvesti blagovremeno, u ugovorenom roku, stručno i kvalitetno, sve prema dostavljenoj ponudi (broj: 2017/140 od 25.12.2017. godine).

Član 7

Eventualne sporove, nastale iz ovog ugovora, ugovorne strane će rješavati mirnim putem, a ukoliko u tome ne uspiju, ugovaraju nadležnost suda u Sarajevu.

Član 8.


Sve izmjene Ugovora mogu se vršiti isključivo i samo uz pismenu saglasnost ugovornih strana.

Član 9.

Ovaj ugovor sačinjen je u 4 (četiri) istovjetna primjeraka, od kojih svaka ugovorna strana zadržava po 2 (dva) istovjetna primjerka, a primjenjuje se od dana njegovog potpisivanja.

Za Prodavca
Direktor

Broj: 208/2017
Datum: 29.12.2017



Za Kupca
Direktor

Broj: 01-1453/17
Datum: 29.12.2017. godine

